

quam isti Indi, quod tamē fieri non arbitror. Et tandem consulo omnibus Animarum curam gerentibus, ut si sint in populo aliqui Indi callentes linguam Latinam, eis credat tale officium, & faciant eos in scriptis servare modum, quem debent inter Baptizandum habere. Atq; ita omnia adhabita diligentia ex parte utriusq; si aliquis defectus aliquando contingat, Summus Sacerdos Christus Dominus, qui est caput Ecclesie supplebit. Admoneant etiam ipsos ne Baptizent nisi magna necessitas urgeat, ut docet Doctissimus Pater Frater Michael de Gornales in Commentarijs Magistri Nicolai de Orbellis, lib. 4. dist. 6. q. 6. Modum autem instruendi huiusmodi Indos inuenies in Confessionario linguæ Mexicanæ, & vulgaris, fol. 63. & 64. quare ibi.

DE BAPTISMO ADULTI.

47 ¶ Quando Adultus petierit Baptismum, debet prius institui in fide, quæ est in Christo Iesu, competenti dierum spatio, ita ut sufficienter, iudicio prudentium, antequam Baptizetur, sit in fide instructus. Debet enim scire Symbolum fidei, quia sic præcipit Ec-